

INUIT ATAQATIGIIT

Inatsisartuni



Qaqortoq, 6. juli 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

- 1. Kukkusumik katsorsakkat nakorsaasikkallu qassiuppat?**
- 2. Nappaateqalersimasut kingusinaartumik paasisat qassiuppat?**
- 3. Kukkunerit allallu naammagittaalliortarfimmut apuunneqartartut qassiuppat?**
- 4. Naammagittaalliutit qassit eqqortuusutut ilalernerqartarpat?**
- 5. Kukkunerillu qassit naammagittaalliortarfimmut nalunaarutigineqanngitsoortarpat?**
- 6. Kukkunerujunnartut paatsooqatigiinnerlu pinngitsoorniarlugit aalajangersimasunik iliuseqartoqartarpa / iliuseeqartoqassava?**

(Inatsisartuni ilaasortaq Kelly Berthelsen, Inuit Ataqatigiit)

Tungavilersuut:

Peqqinnissaqarfimmi kukkusumik katsorsakkat nakorsaasikkallu, aammalu kingusinnaartumik napparsimanerini paasisat pillugit paasisutissat kiisalu kukkunerit pinaveersaarniarlugit qanoq iliuusissioarniarloqarnersoq paaserusuppara.

Kukkusumik katsorsakkat il.il. akuttunngitsumik tusartarpavut. Peqqinnissaqarfimmi sulisut paarlagaannerujussuat, sulisuusut sullitalu assigiinngitsumik kultureqarlutik, oqaaseqarlutik attaveqariaaseqarlutillu paatsooqatigiittarneri kukkunernut kingusinaarlunilu paasisanut patsisaanissaat naatsorsuutigineqarsinnaavoq.

Tusakkat amerlasaraluartut naammagittaalliorfissamut eqqortumut naammagittaalliutigineqartut amerlavallaartarunangillat aammalu naammagittaalliortarfimmiit naammagittaalliutaat eqqortutut oqaatigineqartut suli ikinneralaarsuugunarlutik.

Tusatsiakkat pasilliinerillu taamaalillunga aamma ikilisaaqataaffigerusoqaakka. Minnerunngitsumillu kukkunerit paatsooqatigiinnerillu aqqinniarneqarnissaannut peqataarusogaanga, taamaamat matumuuna taakku pillugit apeqquteqaateqarpunga.

Ullut qulit suliffiusut qaangiutsinnagit akineqarnissara kissaatigaara.